



**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 1. Vtrum matrimonium inter fideles tempore legis Euangelicæ sit
Sacramentum gratiam conferens.

[urn:nbn:de:hbz:466:1-72898](#)

Hec disp.
fatio gene-
ratim fa-
cta.

Cap. 47. ait, *Morem ducendi plures vxores, receptum
fuisse in illis terris, vbi Iacob peregrinabatur, nec villa
lege tunc id fuisse prohibitum: atqui Iacob tunc erat
apud Gentiles, nempe apud Laban idololatram
in Mesopotamia. Vnde cessat quæstio, quæ quidā
ponunt, *An singulis facta sit hoc dispensatio?* Satis
enim constat communiter factam fuisse generali
quadam concessionem, & diuina inspiratione insi-
nuatam primis Patribus post Diluvium; & for-
taffis soli Noë, à quo posteri intellexerunt id esse
licitum; & ab horum exemplo alijs idem lictum
esse iudicatum & frequentatum.*

Dices Apost. I. ad Corinth. 7. v. 4. ait, *Virum
non habere potestatem sui corporis, sed mulierem: ergo,
si mulier non consentiebat, non poterat vir alter-
ri mulieri potestatem sui corporis, per nouum
Matrimonium tradere.*

Respondeo Primò: *Etsi mulier habeat potes-
tatem in corpus mariti, Deus tamen habet maio-
rem: vnde quamvis ipsa nō consentiat in Polyga-
miam, sufficit Deum consentire.*

Respondeo Secundò: *Apostolum ibi non age-
re de potestate ducendi alteram, sed negandi debitum;
scilicet, virum non ita habere sui corporis potes-
tatem, vt vxori debitum negare possit.*

Petes: *Quando cessauit hæc dispensatio?* Res-
pondeo: *Certum est sublatam fuisse per totum
mundum Polygamiam, quando Dominus Matri-
monium ad primeam institutionem reuocauit.
Vnde Gentiles, si conuertantur, tenentur posse-
riorem dimittere, & solam primam retinere; cō
quod cum ceteris non fuerit verum coniugium:
vt expressè docet Innocentius III. Cap. Gaudens
de Diuortijs.*

Hec dispe-
fatio per
Christum
omnino
est reuoca-
ta.

**fia Catholicae traditio, quæ est columnæ & firma-
mentum veritatis, I. ad Timoth. 3. Nihilominus
vtrumq; ex varijs Scriptura locis suaderi: potest
nos tria adducemus.**

Primus locus est ad Ephes. 5. v. 31. vbi Apost.
ait: *Propter hoc relinquat homo patrem & matrem suam &
adhæredit vxori sua. & erunt duo in carne una. Sacra-
mentum hoc magnū est. ego autē dico in Christo & in Ec-
clesia. Seus est, nēpe: Quod homo relinquat patrem &
matrem, vt vxori adhæreat, est magnum Sacramentum
seu Mysterium; quod ego in Christum & Ecclesiam in-
terpreter, quia coniugium Christi & Ecclesiae significat.* Nunc subfumo: *Atqui coniugium Christi cum
Ecclesia est per gratiam & charitatem: ergo ne-
cessarium est, vt Matrimonium coniunctam ha-
beat gratiæ sanctificationem; alioqui non poterit
aptè Christi & Ecclesiae connubium repræsen-
tare. Vide Adamum Sasbout in explicatione
huius loci.*

Ex hoc testimonio Apostoli duo colligimus.
Primum est, Matrimonium Christianorum esse
magnum Sacramentum seu Mysterium, quia Christi
& Ecclesiae connubium significat. Vnde eviden-
ter sequitur, Matrimonium à Deo esse institutum
in signum coniunctionis Christi & Ecclesiae: non
enim naturaliter id significare potest, cū illa cō-
iunctio sit omnino supernaturalis, sicut etiā Ver-
bi incarnationis, per quam exiit Christus.

Dices: *Apostolus Matrimonium non vocat
Mysterium, sed Christi & Ecclesiae coniunctionem
vocat Mysterium: ac proinde ratio Mysterij non
est tribuenda Matrimonio, sed unione Christi & Ec-
clesiae. Quod Confirmatur. Primò: quia nullum
est supernaturale Mysterium, quod vir & femina
coniungantur, cū ratio naturalis hoc dicet. Obiectio,
quod ratio
Mysterij
nō tribua-
tur mari-
monie, sed
coniucio-
ni Christi
& Ecclesiae.*
Confirmatur Secundò: quia Apostolus aperte
dicit, *Sacramentum hoc magnum est in Christo & in
Ecclesia. Confirmatur Tertiò: D. Augustinus
lib. I. de Nuptijs & concupiscentia cap. 21. dicit Ma-
gnum Sacramentum in Christo & Ecclesia constitui: in
viro autem & vxore esse minimum Sacramentum. Et
Anselmus in hunc locum: *Ne quis istam magnitudinem
in singulis hominibus vxorem habentibus intellige-
ret, addit Apostolus: Ego autem dico in Christo &
Ecclesia, id est, ego allegoricè interpretor hæc ver-
ba Genesios de coniugio Christi & Ecclesiae.**

Negant
nostrī ha-
retici.

Dubitaz
Durandus.

Et de fide.

CAPVT II.

De Matrimonio generatim consi- derato, ut est Sacramentum.

DVBIVM I.

*Virum Matrimonium inter fideles tempore le-
gis Evangelice sit Sacramentum gra-
tiam conferens?*

Hæretici huius seculi pñè omnes negant
esse Sacramentum, putantes esse solum
tractum Politicum, nec habere gratiæ promis-
sionem. Dico pñè omnes: quia Zwinglius dicitur
docuisse Matrimonium esse pulcherrimum Sacra-
mentum. Inter Catholicos solus Durandus cum pau-
cis Canonistis videtur dubitasse. Nam dist. 26.
qu. 3. docet Matrimonium non esse vniuocè Sa-
cramentum cum ceteris, nec gratiam conferre.

Respondeo: Fide tenendum est Matrimonium
inter fideles in noua Lege esse propriè Sacra-
mentum gratiam conferens. Definitur in Con-
cilio Trident. sess. 24. can. 1. Notandum est:
Etsi hæc veritas non posset ex Scripturis probari,
non tamen idcirco posse vlo modo de illa am-
bigi; cùm multa alia credere firmiter teneamus,
quæ ex Scripturis non probantur: inter quæ est
illud fundatamentum omnium quæ ex Scripturis
credimus, nempe, *quoniam sit vera Scriptura, & qua-
cuius vera interpretatio; hoc enim sola traditione
credimus. Sufficere enim Christiano debet Eccle-*

**Expeditus
mens Apo-
nyoni Christi & Ecclesiae. Probatur Primò: Cūm stoli ad
enim dicit, *Sacramentum hoc magnum est, prono-
men (hoc) debet referri ad id quod proximè pre-
cessit; nam demonstrat id, de quo agebatur: at-
qui proximè precessit. Relinquet homo patrem &
marrem, & adhæredit vxori sua, & erunt duo in carne
una: ergo vult dicere, Hoc videlicet quod relinqu-
quet homo patrem & matrem &c. vt adhæreat
vxori suę, esse magnum Mysterium. Secundò:
quia Apostolus non dicit *hoc magnum Sacramentum
esse in Christo & Ecclesia*, quasi illis insit tanquam
subiecto, sed esse in Christum & Ecclesiam, vt Gre-
ca expressè habet: nempè quia hoc Mysterium ten-
dit in Christum & Ecclesiam veluti in terminum; si-
cut signum recipit signatum: ergo ratio Mysterij
seu Sacramenti inest Matrimonio tanquam subiec-
to, & respicit Christi Ecclesiae coniunctionem,
tanquam terminum sacræ significationis. Tertiò:
Quia Apostolus hortatur coniuges ad mutuam
dilectionem ex eo, quod ipsum Matrimonium***

Fff iiiij magnum

magnum Mysterium includat, cùm significet coniugium Christi & Ecclesiae, quod mutua dilectione constat. Quod si ipsa ratio Mysterij non esset in Matrimonio, sed solum in coniunctione Christi & Ecclesiae, totum argumentum Apostoli esset frivolum, nec quidquam ficeret ad propositum. Quartò: Quia omnes Patres ita hunc locum explicant, ut rationem Mysterij tribuant Matrimonio respectu uniois Christi & Ecclesiae. Vide Hieronymum in hunc locum, & Gregorium Nazianzenum, cuius verba adducit Hieronymus, Commentarius Ambrosij in hunc locum, *Mysterij Sacramentum grande in viuitate viri & femine esse significat*. Chrysostomus homil. 20. in epist. Ad Ephesios pulchre explicat, quātum sit Sacramentum relinquere patrem & matrē, ut vxori ante ignota adhæreatur. Hunc sequuntur Theophylactus & Oecumenius. Diuus Leo epist. 92. cap. 4. Societas nuptiarum ita ab initio constituta est, ut prater sexuum coniunctionem, haberet in se Christi & Ecclesiae Sacramentum. D. August. lib. 1. de Nuptijs & concupiscentia cap. 10. Sacramentum nuptiarum commendatur fidelibus coniugatis. & aliás sàpè vocat cōiugium Sacramentū. Neque diffident Anselmus; nam dicit locum Genesios allegoricè intelligi de Christi & Ecclesiae unione; unde sequitur, Matrimonium esse signum huius coniunctionis: nam sensus allegoricus est de re, quæ per sensum literalem & historicum significatur. Dicit autem Anselmus Magnitudinem huius Sacramenti non constituit in singulis hominibus vxorem habentibus, sed in Christo & Ecclesia; quia res Mystice significata per Matrimonium (hec enim ipsa etiam dicitur sacramentū, & ratione huius Matrimonium dicitur sacramentum seu Mysterium) non constituitur in singulis hominibus, sed in Christo & Ecclesia. Non negat tamen Anselmus magnitudinem signi Mystici reperiri in singulis hominibus vxorebus: nam singulorum Matrimonium est magnum signum, quia rei magna signum. Sic quoque intelligentius Augustinus cap. 21. De Nuptijs & Concupiscentia: Res enim, quæ per matrimonium in viro & femina significatur, est quid minimum respectu rei, quæ in Christo & Ecclesia significatur: nam in viro & femina per Matrimonium significatur coniunctio & amor mutuus, qui certè minimum quid est respectu coniunctionis Christi & Ecclesiae.

Solutur obiectio.

Agit hic
Apostolus
de Matri-
monio
Christia-
norum.

Ex his patet responsio ad Secundam & Tertiā Confirmationem. Ad Primam, Respondeo: Ratio naturalis nō dictat Matrimonium esse signum coniunctionis Christi & Ecclesiae, sed doctrina fidei hoc tradit. Sic hominem aqua perfundi est actio naturalis; sed quod hæc actio significet animæ ablutionem, non est naturale, sed diuinum institutum.

Dices: Esto concedamus Apostolum rationem Mysterij tribuere Matrimonio; hinc tamen non sequitur Matrimonium Christianorum esse Mysterium seu Sacramentum: quia videtur tantum loqui de Matrimonio Adami & Eua: nam adscit verba, quæ Adam dixit.

Respondeo: Perspicuum est Apostolum non loqui potissimum de coniugio Adami & Eua, sed de coniugio Christianorum. Primo: quia in verbis Genesios agitur de Matrimonio futuro, Relinquet homo patrem & matrem. Secundò: Adam & Eua non habuit patrem & matrem, quos relinqueret. Tertiò: quia Apostolus ex hoc loco hortatur fideles ad suas uxores diligendas: ergo potissimum intendit agere de coniugio fideliū. unde non ait, *Sacramentum hoc magnum fuit*, sed *est in Christo & Ecclesia*. Ecclesia enim propriè per Christum incepit.

Secundum quod colligitur ex verbis illis ad Ephesios 5. est, Matrimonium conferre gratiam: quia cùm Matrimonium ex diuina institutione monium debeat repräsentare unione Christi & Ecclesie, qua fit per mutuam dilectionē supernaturalem; neq; possit hanc unione cōuenienter repräsentare ut est contractus civilis promissione gratia destitutus, necessarium est ad hanc unione aptè significandam, ut gratiam conferat, ac proinde ut sit verum Sacramentum, id est, extēnum symbolum efficax sanctificationis.

Dices: Ante Christi aduentum Matrimonium fidelium erat Mysterium uniois Christi & Ecclesiae, & tamen non conferebat gratiam: ergo hinc non rechè colligimus confere gratiam.

Respondeo: Ante Christum, matrimonium non repräsentabat hanc unione, nisi imperfectè & remotè, ut docet D. Thomas quæst. 42. art. 2. Cuius signum est, tum quod potuerit dissoluī dato libello repudij; tum quod admirerit Polygamiam: quæ duo sunt contra rationem huius Mysterij. Simili modo, et si matrimonium secundum primam institutionem consideratum, fuerit Mysterium huius uniois, tamen imperfectum & inchoatum fuit; cùd quod res repräsentata nondum existaret: Christus enim neclum carnem assumperat, ut sponsus esse posset; neclum Ecclesiam suā quæ esset eius sponsa, instituerat: unde illud matrimonium non debebat gratiam conferre.

Alius locus est 1. ad Thessal. 4. v. 4. vbi Apostolus hortatur coiunges, ut abstineant à fornicatione. Ut sciat unusquisque possidere vas suum in sanctificatione, nempe eā, quam per cōiugium accepit. Alio loco.

Tertius locus est 1. ad Timoth. 2. v. 15. vbi dicitur, quod Mulier salubrit per filiorum generationem, id est, in statu Matrimonij. Sed hic locus minus vrget.

Probatur Secundò: Ex Concilijs, & Decretis Pontificum. Concilium Florentinū in instructione 2. Probavit Armenorum, consentientibus Græcis, dicit Matrimonium esse propriè dictum novae legis Sacramentum, gratiam conferens. Quod etiam tenet Ecclesia

Græca, ut patet ex censura Ieremiæ Patriarchæ Constantinopolitani, quā ante 18. circiter annos fecit contra confessionem Augustanam, vbi dicit, Matrimonium esse diuinum Sacramentum, vnum ex illis septem quæ Christus & Apostoli Ecclesia tradiderunt: & probat ex loco allato ad Ephef. 5. Conc. Trid. fess. 24. can. 1. Si quis dixerit, Matrimonium nō esse vere & propriè vnum ex septem legi Euangelica Sacramentis à Christo Domino institutum, neque gratiam conferre, anathema sit. Antiquiora Concilia non habemus, quæ id aperte definiant, cùd quod olim non fuerint heres, quæ id præcisè negarēt. Habemus tamen varia testimonia ex decretis Pontificum, è quibus hac veritas colligitur. Siricius Papa epist. 2. cap. 4. dicit Sacilegium committi, si alter coniugum viuente coniuge ad secundas nuptias transeat. unde sequitur Matrimonium esse rem sacram, & continere in se sanctificationem, nec esse nudum signum. Innocentius I. epist. 1. statuimus, inquit, sicut Catholica suffragante, illud esse coniugium, quod primitus erat diuina gratia fundatum. Lucius III. ante annos 400. in Concilio Veronensi anathema dicit eis, qui de Sacramento

Flor. ex Concilijs,

& Decretis

Pontificiū.

Trident.

Siricius.

Lucius 3.

Sacramento corporis Domini, Baptismo, Matrimonio, alijsque Ecclesia Sacramentis alter sentirent, quam Ecclesia Romana fides doceret; vt habetur Capitulo Ad abolendam, de Hæreticis. Vnde patet Lucium cum Concilio voluisse, Matrimonium ita esse Sacramentum, sicut Baptismum & Eucharistiam.

²⁷ 3. Probatur ex Patribus Ambros. Probat Tertiò: Ex Patribus, præter supradictatos. Ambrosius lib. 1. de Abraham cap. 7. dicit, Eum, qui polluit alienum torum, Sacramenta colesxis amittere consortium, vbi Coniugium vocat Sacramentum caeleste, cuius consortiū dicitur amittere, quia gratiam amittit. Cyrillus lib. 2. in Ioannem cap.

22. inter cætera dicit Dominum sanctificasse coniugium sua presencia, eique gratiam preparasse, vt aditus hominum in hac vitam benediceretur. Vbi Cyrillus videtur etiam innuere Matrimonium tunc fusse euctum in Sacramentum. Quamvis forte verius sit id fuisse factum Matth. 19. quando Polygamiā & repudio abolido, Matrimonium ad primuam institutionem reduxit. D. Augustinus sapè docet Matrimonium non esse Sacramentum, nisi in Ecclesia. Lib. de fide & operibus cap. 7. In ciuitate Domini, in monte sancto eius, nuptiarum non solum vinculum, sed etiam Sacramentum, ita commendatur, vt non licet viro uxorem suam alteri tradere. Lib. de Bono coniugali cap.

18. In nostrarum nuptijs plus valet Sacramenti sanctitas, quam utrius secunditas. Et cap. 24. Bonum nuptiarum per omnes gentes in causa generandi est, & in fide castitatis. Quod autem ad populum Dei pertinet, etiam in sanctitate Sacramenti, per quam nefas est, etiam repudio intercedente, alteri nubere, dum vir eius vivit. Quid autem nomen Sacramenti proprium accipiat Augustinus, patet Primo, quia distinguit Matrimonia infidelium à fidelium Matrimonij; quod fideliū sint Sacraenta, infideliū minime; cum tamen largo modo etiam hæc dicantur Sacraenta, vt patet ex Cap. Gaudemus. Secundo: quia ex eo, quod sit Sacramentum, colligit esse insolubile. Quod argumentum non valeret, nisi propriè aciperet Sacramentum. Tertiò: quia lib. 1. de Nuptijs & concupiscentia cap. 10. comparat Sacramentum Matrimonij cum Baptismo, & dicit etiam illud manere in coniugibus separatis, sicut baptismus manet in Apostatis; quod intellige ratione vinculi coniugalis, non ratione aliquicui characteris.

²⁸ 4. Probatur Ratione. Ratione. Matrimonium Christianorum est unius cum una tantum, & penitus insolubile: vt patet Marci 10. Matth. 19. Atqui huius non potest esse alia causa, quam quod sit Sacramentum coniunctionis Christi & Ecclesia, vt sapè docet D. Augustinus. vide cap. 7. 18. 24. de Bono coniugali. Atqui huius unionis non est perfectè representativum, nisi gratiam conferat: ergo est signum rei sacre gratiam conferens, ac proinde Sacramentum.

Secunda est: Matrimonium Christianorum iniicit vinculum insolubile cum una uxore: atqui ad tale vinculum tolerandum necessaria est gratia: ergo gratiam conferit: Deus enim in necessarijs non deest: vnde rem adeo difficile sine auxilio gratia non instituisset. Confirmatur; quia alioqui lex noua est durior & intolerabilior lege veteri, quæ repudium & polygamiam permittebat: quæ duo remedia per novam legem sunt sublata: oportuit ergo hæc gratia compensari.

Tertia est: Ex fine Matrimonij, qui triplex est: Propagatio Ecclesiæ, Euitatio fornicationis, & Vita socialis in mutua dilectione: sed ad hos finis

requiritur gratia: ergo &c. Minor Probatur. Nā Primo parentes non possunt rectè educare liberos in fide & Dei timore, tamquā Ecclesiæ membra, ad quod tamen ratione sui Matrimonij tenentur, sine auxilio gratiae: ergo Deus ad hoc ritè præstandum, dat eis gratiam in contractu, sicut in ordinatione dat gratiam ad Ordinū officia. Deinde, ad fornicationem evitandam coniugium sine gratia non sufficit; partim quia concupiscentia per vim coniugij plus ascendit, quā reprimitur; partim quia coniugati sèpè vel ob morbum vel absentiam coniugis coguntur abstinere. Denique, vxor debet diligere virum, eique obediē tanquam Christo; & vir debet diligere uxorem, vt Christus Ecclesiā, iuxta Apostolum ad Ephes. 5. quod sine gratia fieri nequit.

Quarta est: Matrimonium in Ecclesia semper habitum est inter res sacras, & tempore sacrificij confuetum celebrari, adhibitis preceptionibus & benedictione Sacerdotis: vt patet ex Euariſto Papa epist. 1. Decretalium, Concilio Carthag. IV. cap. 13. & ex Ambrosio epistola 70. qua est ad Vigilium: ergo non est solū contractus civilis, sed quoddam Sacramentum. Vide Petrum Soto lect. 1. de Matrimonio.

Obijicitur Primo: Sacramentū efficit id, quod significat: atqui Matrimonium non efficit unionē Christi cum Ecclesia, quam tamen significat: ergo non est Sacramentum.

Respondeo: Non est necesse omne significatum Sacramenti esse ipsius effectum. Eucharistia enim significat sacrificium Crucis & Mortem Domini, non tamen efficit: Baptismus quoque significat Mortem Christi, iuxta Apostolum, non tamen efficit. Sufficit igitur, vt Matrimonium significet aliquem effectum supernaturalem quem efficiat. Est autem is duplex: Primus, insolubilis coniunctio coniugij; quam neque significat, neque efficit merè naturaliter, sed ex Christi institutione: non enim ratio naturalis dictat debere hanc coniunctionem esse, adēd insolubilem, vt nullo casu possit dirimi. Quod colligitur ex Augustino De Bono coniugali c. 7. Secundus effectus eius est, coniunctio supernaturalis animorum: hanc efficit conferendo gratiam, & naturalem coniugum amorem diuina charitate informando; nempe, vt vxor iungatur viro, sicut Ecclesia Christo; & contraria.

Obijicitur Secundo: Potest fieri pactum de cōtrahendo Matrimonio, interueniente pretio: atqui pro Sacramentis non potest dari vel accipi pretium: ergo non est Sacramentum. Ob hanc rationem quidam Canonistæ, scilicet Ostiensis, Gaufridus, & Bernardus, quos citat & sequitur Durandus, sentiunt Matrimonium non conferre gratiam. His Durandus addit Magistrum ia 4. dist. 2. vbi Magister ait: Sacramentum coniugij tantum esse institutum in remedium, alia vero vt etiam gratiam adiutricem prebeat.

Respondeo: Isto Canonistæ falli, & communem Canonistarum sententiam illis aduersari; vt docet Navarrus cap. 22. Enchiridij num. 20. Ratio illorum nihil vrget: non enim datur pretium pro ipso Sacramento, sed pro obligatione ad onera Matrimonij, quæ ille contractus adfert: sicuti Parochio non datur pretium Sacramentorum quæ administrat, sed pro obligatione ad onera pastoralia. Addit, si ratio illorum aliquid concluderet, sequ-

Quā re-
cessaria sit
coniugatis
gratia.

sequeretur Matrimonium ne sacramentale quidē esse, sed esse rem omnino profanam: nam ne pro sacramentalibus quidē pecunia dari potest; vt pro benedictione calicis, aquæ, nuptiarum, & similiū. Ad Confirmationem: Respondeo Magistrum ibi passim reiici, vt notatur in margine ibidem. D. Thomas tamen in expositione literæ Magistri conatur illum commodè interpretari, scilicet, Magistrum intelligendum esse de fine principali.

D V B I V M II.

Vtrum Matrimonium ante Christi aduentum, vel etiam modo, inter Infideles contractū, sit Sacramentum?

³⁰
Quidam
alterunt
matrimo-
nium lu-
dorum
ante Chri-
stum fuisse
sacra-
mentum.

Negatur.

Quidam existimant apud Iudeos Matrimonium fuisse verum Sacramens gratiam conferens; & Christo non tam fuisse institutum in Sacramentum, quam confirmatum. Ita sensit Henricus Rex Anglie, vel potius Rosenblis in defensione assertionis septima, de Sacramentis. Alphonsus Castro verbo Nuptie, hæret 3. Petrus Soto lectione 2. de Matrimonio, & Albertus Pigijs controverbia 10. Ex qua sententia sequitur, etiam modo inter infideles esse Sacramentum.

Respondeo, & Dico Primo: Certum est, Matrimonium ante Christum non fuisse Sacramentum propriè dictum, gratiam conferens. Probatu Primo: Ex Concilio Trident. sess. 24. can. 1. vbi definit sub anathemate, Matrimonium esse Sacramentum legis Euangelica, & esse à Christo institutum: quod stare non potest cum altera sententia. & cap. 1. Cùm inquit, Matrimonium in lege Euangelica veteribus connubis gratiè proferet, merito inter noua legis Sacra menta anumeratur: vnde aperte sequitur vetera connubia gratiam non contulisse. Idem docet Concil. Florentinum, vt mirum sit illos auctores ita sentire potuisse. Secundò: Si fuisse verum Sacramentum, debuitset esse institutum in statu innocentia, nempe quando Deus benedixit coniugio Adami & Eua. Sed hoc non rectè dicitur: nam ille status non egebat peccati remedio, cùm nullum esset peccatum, nulla concupiscentia, nulla difficultas boni, nullum periculum mali. Tertiò: In veteri lege concessa erat Polygamia, & repudium, quorum vtrumque pugnat cum ratione Sacramenti. Denique, accedit communis sententia Doctorum, qui docent in statu innocentia Matrimonium fuisse institutum in officium naturæ; post lapsum, institutum in remedium concupiscentia; in noua lege cœctum in Sacramentum.

³²
Matrimo-
nium inhi-
qui multis locis docet tantummodo in Ecclesia Ma-
deliū non tritum habere Sacramenti sanctitatem, & idcirco in ea esse penitus insolubile. Secundò, Ex Innocentio III. Cap. Quanto, de Diuortijs, vbi dicit Matrimonia infidelium esse quidem Matrimonia legitima, sed non esse rata, quod Sacramenti firmitatem carant. Vide Couarruiam in epitome 4. parte 2. cap. 1. §. viii. nu. 4. Ratio est; quia Baptismus est ianua Sacramentorum, vt rectè Concilium Florent. Unde quādo idem Innocentius Cap. Gaudemus, dicit Sacramentum coniugij apud fidèles & infideles exire, acci-
pit nomē Sacramenti amplè pro quovis signo sacro.

Sed contra Objicitur Primo: Genes. 1. Deus benedixit coniugio primorum parentum: atqui hæc benedictio non hæsit in corpore, sed translat in animam, ac proinde gratiam cōtulit: ergo etiā in alijs cōiugij collata semper fuit, cùm hæc benedictio ad omnia coniugia pertineat. Et Confirmatur Primo: quia non solū in noua lege, sed omni tempore parentes egerunt gratia ad ritè suas proles instituendas. Confirmatur Secundò: quia statim post peccatum fuit Matrimonium institutum in remedium concupiscentiæ: atqui non fuisset remedium sine auxilio gratiæ, ergo gratiam contulit.

Respondeo, Illa benedictio præstabat tantum secunditudinem corporibus, non autem gratia auxiliū mentibus: vt expresse docet D. August. lib. 13. Confess. cap. 24. idque probat ex eo, quod etiam pescibus & atibus Dominus benedixit.

Ad primam confirmationem: Neganda est Consequentia: nam ad multa alia ritè peragenda in veteri lege opus habebant gratiā, hæc tamen non conferebatur per aliquod Sacramentum; sed impetrabatur deuotione orantis, & benè operantis. Sacerdotes enim ad ritè sacrificandum, Deumque placandum gratiā egebant, quæ tamen in eorum ordinatione non dabatur: hoc enim est priuilegiū legis Euangelicæ. Ad secundam Confirmationem: Matrimonium non propriè dicitur institutum esse in remedium post lapsū, quasi Deus nouam aliquā ordinationem de hoc fecerit, sed naturaliter cessit in remediu cōcupiscentiæ: sic intellige Doctores. Cùm enim actus coniugis naturaliter esset licitus, oborta concupiscentiā factū est, vt ei obedire nō cederet homini in damnationē. Accedit, quod tum plures permisso fuerint uxores, & libellus repudiij, vt sic quoque cupiditatē carnali possent mederi. In noua lege hoc remedium debebat esse perfectius, & minuere ardore concupiscentiæ, præfertim repudio & Polygamia iam vetitis.

Objicitur Secundò: Apostolus ad Ephes. 5. de coniugio Adami & Eua dixit, Sacramentum hoc Magnum est: ergo erat Sacramentum. Confirmatur ex Leone epist. 92. cap. 4. vbi dicit, Societas nuptiarum ita est ab initio instituta, vt prater sexuum coniunctionem habetur in se Christi & Ecclesiæ Sacramentum: ergo ab initio fuit Sacramentum.

Respondeo: Apostolus loquitur de coniugio fideliū, cui applicat verba Genesios. Deinde, eri loqueretur de omni coniugio secundū primam institutionem spectato, nihil aliud sequeretur, quā fuisse Sacramentum largo modo, sicut Manna, sicut aqua manans è petra, licut aspectus serpentis, &c. Ad D. Leonem: Respondeo, nomen Sacramenti laxè sumi.

D V B I V M III.

Vtrum Matrimonia Infidelium siant Sacra-
menta, quando baptizantur?

³²
Quidam existimant fieri Sacra menta hoc ipso, quo baptismus suscipiunt, sine alio consensu vel contractu. Ita Couarru. 2. parte. cap. 1. §. viii. vniuerso. vbi dicit Matrimonium infidelium non esse Sacramentum actu, sed habitu, nempe quia per baptismum si actu Sacramentum. Probat suam sententia ex D. Thoma dist. 39. qu. 1. art. 2. Alij volunt necessarium esse nouum contractum, & hunc fieri Sacramentum.

Respondeo: